

<County: Yorkshire West Riding>

<Code: L1248>

<MS reference: Leeds, Yorkshire Archaeological Society, BEA/C3/B31/74>

<Text: Letter>

Ryght welbelufyd cosyn~ wakfeld J recommend me vn-to yow in my most hertely
 maner And to my best be-lufyd swetyng J recommend me os hertely os J cane w^t hert
 thyнк or mouthe speke beyng glad y^t 3e ar furth of yowr besynys so well letyng
 yow wnderstond at J was in gud helth at y^e making of y^{is} letter lo<ill><2 letters></ill>yd be jhesu
 qwo
 perserruf yow frome All ille letyng ^[yow] wyt ~~that~~ what newys ar in y^e court for ther ^[ar] com
 thythynges to y^e kyng from y^e see y^t owr ynglych shypys & y^e franch shypys
 met on y^e see And ther wer xvij franch shypes And bot xiiij ynglych shypys
 & ther wer gret feythyng betwex them And ther wer the regyon shyp And in
 of yngland And in it ser Thomas kneffet qwyт hym manfull And set Apon
 y^e gret shyp of franch And bordyd w^t it on y^e on syd And A shyp manyd James
 hull on y^t other syd And ther-in wer Antony vtyreg qwych gat hym gret prese
 And yay too shypes wan y^t gret shepe of franch ~~se~~ And sank it And ser thomas
 knefeet slow y^e capten of y^e ^[shyp] hand to hand And Rauf ellekake is sleyne
 And Antony vtyrege is sor howrt And y^e franch shypes ar+fled saf y^t on
 And ser edward haworth & other went in y^e chas After yaym & ther ^[con no] man tel
 3yt how yay doo bot 3e shal konw forth or After And my mayster has sped
 All hys maters wel And ^[at] hys on mynd louuyd be
 god And he thynkes to be at hom thys next
 wek And not to fayl for al hys ^[maters] ar well sped
 os 3e shal know or After And j pray yow recommend
 me to Al my frendes os ^[my] trust is in yow wryttyn
 At ~~fre~~ fernam on thursday ^[after] sant bartelmew day
 No mor at thys tym j bot jhesu~ kep yow wrytyn
 in hast By yowr frend John popelay